

梅亭四六標準

十卷

合冊

庫文閣内			
函	架	一九冊	二七四三號
		特四十二類	漢書

内閣文庫			
番號	漢	11742	
冊數		19(9)	
函號	圖	3	5



国立公文書館
National Archives of Japan

原本の文字など不明瞭な箇所があります。

梅亭先生四六標準卷之十七

中書

賀太府余大卿

鑄

除中書舍人仍兼右司

除戶部侍郎兼知臨安

成都運司作

帝重詞臣公遷閣老裁縫雲霧便應拜李士之真

鼓舞雷風更盡展舍人之樣紫微炳煥黃道開明

恭惟某官忠肅而惠和博習而脩潔清姿秀骨下

獨鶴於人間厚德長材載六鼇於海上心醉六經

之醲郁日營四海之溺飢文人多不護文細行易

虧於大德宰士固習為宰遠圖或奪於近功惟公

超然過人遠矣彌綸兩省標表九卿久兼內史之



三六十一
贊書茲正中書之三字惟天子之義範曰制以聖
人之情見乎辭扶山東之癘變漢恩而忍死回河
朔之悍存唐祚於幾亡一札可服於隗囂尺書足
招於贊普不但取九制一揮之敏亦非專四駢六
儷之工俾百姓咸曰大哉則一字不容易也衣冠
盛事夙尊八葉之科翰墨大勲詎止五花之判既
敷華而緯國行迪哲以爽邦文章於道未為尊風
斯在下矣富貴乃吾所自有時來則為之某頃侍
同朝且依鄰壁韓非老子又嘗共傳公叔大夫詎
望同升范叔一寒哀之命也不哀之命也杜陵十
魚蝦之侶

賀黃秘監

序除中書舍人

代董制置

中宸渙號內史升賢三神在海上之山久勤攝領
一佛出人間之世遂見真除綸綍有光紳綏胥慶
恭惟某官材猷膚碩李術醇深探周情孔思之微
淵源千載發宋艷班香之祕膾炙四方親結龍袞
之知聿新鳳閣之樣辭達而已矣要必見聖人之
情才難不其然蓋欲極天下之選得君為重緯國

三五
以文好對紫微草尺書而招贊普却登黃閣提一
筆以福蒼生某聳聽除音阻陪賀履千門柳色誰
怜芻狗之陳人万里草堂遙想槐龍之新影

賀直院莊少卿夏除中書舍人

優詔上卿正班內史北門視草謂當進李士之班
西掖拜真聊復示舍人之樣斯文增氣有識傾心
恭惟某官蓄孝醇明採材鉅麗沈浸醲郁蓋下逮
於莊騷雅健雄深無足多之崔蔡尽兼兩制已四
三年號令鼓舞風雷亦云多矣獻納司存雨露莫
若專之濃薰班馬之香高振綺園之翼有偉用儒

之效會當秉國之鈞某假守魚鳧阻陪燕雀碧梧
幙府幸稍安雪外之城紅藥主人儻或念天涯之
客

史掖

賀聶左史

子述

中宸渙號左侍升賢夾立螭頭均為清切進攜龍
角愈近凝嚴彰清朝選用之公示君子登庸之漸
恭惟其官材全而業鉅李廣而聞多秀出班行固
已芒寒而色正凜然氣節不為義疚而利回五年
省闈之弥綸万里戶庭之清晏賴舍人之解事為
天子而記言績用孔殷序遷惟允楚左史之能讀
八索蓋儲倚相之材唐中禁之用第一流亦為議
政之地佳傳相期於千載脩名剩跨於數公其遠

落魚鳧阻陪燕雀甚愧丈人厚頃嘗聞所聞而來
屢爲丞相言是有得不得之命灑灑既令其膽破
岷峨亦使之眼高望五雲多處之星早登魁輔倩
万里橋邊之水聊送客心

賀聶左史

代董制置

南衙渙號東史升賢雖君舉必書均號司存之切
而王置諸左益知位置之親正人登崇善類鼓舞
恭惟其官負材有用蓄亨不貲健步豐扛連六鼇
於海上清標秀質下獨鶴於雲間五年密贊於宰
司庶績自疑於道揆螭頭坳處久稱解事之舍人
龍尾道中遂進讀書之倚相柱下之光有耀甌中
之姓可占其最辱挈提尤深距躍歸心羽翼已久
懷石澗之泉餘論齒牙更幸及玉関之老

六部

尚書

賀章尚書

申命秩宗正班宰伯春官六十立之長以維專曲
禮三千待其人而後幸有隆圖任茲遂真除恭惟
其官重德鎮浮清規厲俗中流砥柱百壬夙避其
鋒野水孤舟六丁莫措其手偉雲山之舒卷閔天
下之重輕迨茲改絃復此持橐堅車大艤安徐而
後進光風霽月逾久而益明粵從貳卿寶典三禮
振自古寅清之職還斯民子諒之心不惟和上下

而治神人蓋將經國家而定社稷茲引星辰而上
益高日月之依武德間有讜言忠無不報正觀初
踐台斗理有固然某阻作鳧趨但深螯抃小草有
遠志懷哉並世之醫和大夏無弃材盍以與聞於
匠石

賀任尚書

希夷

晉長冬官復兼夕闡國有六典孰如事典之優閑
命出一人實預舍人之駁正况躋中庶尤簡上知
恭惟某官曾湛秋霜筆翻春潦獻納日月仁義陳
於王前鼓舞風雷言語妙於天下久典三禮既諧

兆民疇若子工併任塗歸之責乃在五禁就兼翼
贊之華忠既結於兩宮名益高於九牧投珠委地
必有清平尚書之言批勅回天更觀儒者給事之
效既劑高馮之藥石即羹傳說之塩梅某聳聞除
音喜至滿面君子得輿民所載也豈但收稽古之
功袞職有闕我儀圖之知必稱納言之任若方朔
之餓欲死與杜陵之凍且僵不知命而且鳴且號
亦無耻矣其潔已之與進與退惟所命之

賀陳尚書

率

除吏部尚書仍兼內翰

成都運
司作

峻長六卿增崇八座惟王有成績紀于日月之常

命汝作納言引此星辰之履仍專齧禁增重雞翹
恭惟某官學濟道真器函天粹絕識洗空於萬馬
全材立解於千牛積江漢經營之勞有河山帶礪
之烈允文允武立德立功還頗牧於禁中悍卒回
心於讀詔講唐虞於羶上頑民聽命於舞干茲膺
典選之并始是奮庸之漸文昌垂象寔爲上將上
相之躔武帳前龜行有爲保爲師之命暫煩長文
制九品之任行見曲逆遂萬物之宜某未解漕冰
正馳驛路聞尚書之踐台斗或垂念於孤槎聽散
人之拜江湖早歸身於三徑

侍郎

賀鍾侍郎

震

除侍左侍郎兼中書及侍講

大君渙號小宰升賢三銓審官尤重左曹之衡尺
一佛出世仍兼右掖之絲綸碧落彌高紫微增煥
恭惟某官日營四海曾著千年關百聖於寸心不
夷不惠而願孔子之李掃千軍於獨筆非韓非孟
而成歐陽之文雲雷十載之經綸江漢六年之方
泳怒鵬旣擊凡馬皆空蛻骨地仙直上蓬萊瀛洲
之島鬋纓天策徧儀承明金馬之庭堯醲舜醺最
宜爲誥班香宋艷安敢比材非道不陳於前在庭

三三九
無出其右日獻月納亦有嘉謀年除歲遷士無異
論四輔既備命史佚以記言五禮有庸咨伯夷而
降典露門重席星戶鳴珂緝熙有賴於仔肩左右
宜咨於汝翼掌六典之貳更追裴馬之蹤遂万物
之宜即接夔龍之武某夙蒙推挽竟自顛隕今墮
孤雲落照之邊誰復高山流水之賞江梅尚難於
寄驛海棕詎易以移栽然蓬蓬雪邊十暑碎杜陵
之萼在玉堂天上一寒望范叔之袍

賀江陵趙制置方除工部侍郎

優詔元戎升卿起部司空用以寵舊荆之牧未曰
殊恩貴人不待入長安之城宜為異數中權增壯
上眷彌深恭惟某官氣直而溫材弘以毅稟衡山
扶輿之積人知鍾駿嶽之神師葵軒正大之傳天
使壽熊湘之季聞善若決疾惡如風粵從使指之
膚出領制垣之重茲貪膽落洗空當道之豺狼夷
虜心寒驚遁繞枝之烏鵲寬九重顧既四三年江
左見導無憂固將大用北門非準不可未免小留
惟無敵知儒者之真况有功見賢人之久徒得若

重使若子工豹尾雞翹獻納上司於雨露熊旂年
 節嘽嘽外震於雷霆營壘旗幟初無所更朝野人
 士皆為之度洞庭彭蠡可但為分北之區廣漢江
 沱蓋亦繫二南之化况占雲覆當護風寒竊窺往
 年根本宜固之言及讀近日事業無窮之奏万国
 玉帛豈甘安王業之偏百年丘墟亦貴度時賢之
 力願謹郊圻之申畫姑思牖戶之綢繆中興當用
 實材更訪英豪於物外上策莫如自治合商得失
 於褚中與民守之吾庸多矣朝廷已深知治行豈
 但儀簪橐之班牙毒繇不足為公榮要當勉旃常之

績其雖無學術知有忠賢頃捧辟書輒干賓謁不
 緣介紹蒙稱人品之高尋困憂恫又為地主之累
 今者尋磨驢之步復茲修賀燕之恭登樓而憶仲
 宣豈但感凋零之迹下堂而執醜蔑或許傾結約
 之心

賀趙制置彦呐除兵部侍郎

顯冊宗藩升卿武部司馬掌九伐之法外益重於
 中權元戎先十乘之行遠式逆於近列傳聞四海
 忻懌一詞恭惟某官迪德碩膚負材瓌特猷宗英
 之禮樂卓爾不羣謀元帥於詩書飄然無敵文武

作萬邦之憲精神折千里之衝三百墨方竊笑無
功之祿利十八年矣備嘗在外之艱難自殄鯨鯢
之妖滋奪犬羊之氣茲膺天寵迄拜夏卿將三軍
以定中原聿觀偉績間兩社而輔公室佇接前芳
某治任方歸聞報失喜知有功之則悅見無德之
不酬錦城雖樂不如早還益增西望繡裳無所於
汝信處更佇東歸

賀朱倉在除度支

任兩浙運幹作

勞使臣之還而歌四牡知入重於郎垣旅天子之
命而作嘉禾又暫留於輔邸最爾幕下之士託於

畿內之侯敬德已深修辭敢後恭惟某官政由
出心以家傳昔者周公固望伯禽之拜後趨亦夫
子誰知孔鯉之異聞雖剛大之氣浩然而中庸之
德至矣揭節以出送以禮樂而有光當官而行編
之詩書而無愧茲拜握蘭之召又爲騎竹而留斂
惠而施一州寧容黔突輯瑞而班羣后即聽紫泥
某偶爾依蓮正茲索米囊粟二百之俸實隸治封
遣介咫尺之書敢修庸敬

代回宮使待制史侍郎弥堅

貳訓夏之刑已慙弗績攝司冬之典尤愧誤恩曾

巽謝之未遑遽謙光之先辱恭惟某官久勞于外
式端其歸大纛高牙茂展幹方之略珍臺間館暫
從均佚之謀輟湘水之曉行趣宣室之夜對有對
餘芘亦及陳人某視蔭幾何強顏已甚司納言之
喉舌轉覺濫竽借餘論於齒牙早期納履

樞屬

代胡尚書回趙編修

二日栗烈寒但感於寘冰五雲郁紛文乃工於翻
水物將其意愧在於肝恭惟某官有偉宗英入陪
廟筭駕輕就熟問津槐棘之榮噓枯吹生假寵桑
蓬之賤粲然駢儷幸此衰遲郭令二十四考之書
此言何爲至我魯侯萬有千歲之頌所有更以贈
君

臺諫

賀洪郎中咨夔除察院

成都運司作

親擢郎潛進司臺察十年去國安泉石之膏肓一
札起家任朝廷之耳目公無欣戚邦有榮懷恭惟
某官行守宮庭道探壺奧養以剛大獨扛百斛之
龍文出其緒餘連中八科之麟角惟其守專而退
勇是以任重而進難社下之肉既均尋拜護軍之
曲逆治中之足未展願令乘障於陰平儀粉省以
歸班封皂囊而論事回天有力方將批徑尺之鱗
偃月生疑已不容立仗之馬曾謂考功一出息之

頃遂見拾遺九鑽火之明星既坻於中台席遂前
於半夜甫登表著徑拜裏行獬豸觸邪難置豺狼
而不問鷹隼始擊尤閔龍象之共觀聳聞破頭尸
足落膽刊九山滌九川陂九澤通地氣以上騰闕
四門明四目達四聰發天光而下濟此真御史矣
豈憂匈奴哉鑄金鼎以圖茲不難調鼎察玉衡而
齊政然後保衡其一寒漕冰六暑戍雪將返問問
而曝日喜聞臺閣之生風鷓鴣之在秋天儻或實
於西擊烏鵲之繞夜月願姑聽其南飛

賀王寺簿遂除察院

成都運司作

峻擢容臺進司糾院明天子厲精之日爭覩親除
真御史遴選其人迄符衆望風雲感會山嶽動搖
恭惟某官心幹九秋文焰万丈摘髭名第不應州
縣之徒勞策足要津共擬公侯之必復堅車大艦
每難於進光風霽月既久則明上欲求忠臣之尊
念無易太常之肅嚴霜烈日姑令鑄金鼎以察茲
縫霧裁雲行即登玉堂而草制某久違楓陛聞進
蓋臣行行且止而避驄莫陪旅賀皇皇者華之維
駱願以汰歸

賀董司諫居誼

進思補闕仍侍迹英責重寄隆益可告嘉猷于后
謀從言聽轉當下膏澤於民朝野喧然宗社幸甚
恭惟其官所養剛大而道中庸人方此重而彼輕
公獨以退而為進廷臣無出右者天子居然器之
拔自州麾徧儀朝著亟拜拾遺之命仍陪勸誦之
聯緝日月之光良多啓沃犯雷霆之怒大有激揚
不賣直以取名惟格王而正事簡在中宸遂升左
垣考司諫七品官之階雖云序進然大人一正君
之事正屬司存今日前無必至之憂而天下有未
形之患戎心外狡民力中乾天文變恠而難謀人

才卑少而不競民保於信而信屢爽位守以仁而
仁不流吏惰且貪兵虛仍脆無非事者請先大者
之圖彼何人斯尤願辨之之早自古建久安之勢
成長治之業莫若杜羣枉之路開衆正之門國人
曰賢左右皆曰賢無使滯淹之乂君心以正遠近
一以正切防浸潤之行閫內閫外不容二心宮中
府中當為一躰舍豺問狸則民不服如鷹馬逐雀則
君自尊察嫠婦之私憂回倉公於驚走庶淮南知
憚於汲黯而昌黎無惑於陽城名節皎然芬芳多
矣富貴乃吾所有何足計哉忠良得路之難切

念此其當獻嘉頌願進苦辭蓋有感平日之知不敢作細人之愛諸公不喜生語柔則茹之善人能受尽言遐不謂矣尚欲作石守道紀德之頌幸勿還李師中落韻之詩

代回傳大諫

伯成

自天分閩易地殿藩南內思賢已使候西廂之對東甌報政又當縮北固之符恭惟某官王之蓋臣邦之司直觀其動搖於山嶽安問狐狸使之感會乎風雲蔚如虎鳳汲黯願居於禁闥望之願出於平原一言寧急於封侯萬物盡令其吐氣茲驅大纛又卧長江邊秋一鴈聲幸騎烽之灌燧人生五馬貴羨燕寢之凝香某自愧秋零阻陪夏賀仁義與王言者寧千里而莫追邂逅適我願兮或一見而後去

梅亭先生四六標準卷之十七

梅亭先生四六標準卷之十八

寺監

賀黃安撫除大理少卿

知榮州作

晉卿叢棘升帥前茅乘八月之槎既瞻相於斗柄
回二星之部仍典領於參旗四履歡然重臨幸甚
恭惟某官負材明允蓄德碩膚淵法澄深得龍津
炳靈之秀扶輿鬱積繼龜山正學之傳久留金馬
之坊妙斡木牛之運中兼閩制外憺戎昭遠略折
衝南人不復反矣從臣虛位東山以公歸兮然河
內競借於寇恂宜關中復留於蕭相俊才金掌外

總玉鈐公去八公來信有關於輕重時行時止俱不
失其光明共羨班景倩登仙之除咸有樂正子爲
卿之喜佇盡護於諸將遂進長於六官某凄其一
寒去此十暑未問五馬二毛之無用最覺孤鴻獨
影之可怜矧熬波之素封今掃地而赤立水旱重
蓼蟲之苦風景增尊鱠之思所幸潁川黃霸之復
來或察夜郎李白之可念老牛舐犢誰敢論瓜葛
之連孤鳳求凰或亦備蘋蘩之薦其爲頌倅罔旣
鋪茶

賀岳總領 珂除大卿

四牡奏最九扈升班王人不微夙序諸侯之上臣
卿雖少有光八使之間邊面驩然帝心簡在恭惟
某官天材敏邵地望穹華滿腹精神解千牛之肯
綮撐腸文字空萬馬之躊躇豈惟建武功臣之家
亦習正元供奉之曲久將餉拍仍領价藩盍歸乎
來遂登龍尾見知則悅聊進豹祛卿不同乎暫掌
九功之貳侯誰在矣亟膺一札之招某共飲玻璃
未覲珪玠視諸故府龍豬竊幸於同宮于彼新田
燕雀敢稽於賀夏

代回王大卿 補之

入覲楓宸升卿棘寺民之攸暨久凝畫戟之清
王曰遄歸復畀青氈之舊物恭惟某官器質庸敏
機量浚明京兆有王之歌至今未泯江東無卿之
嘆所去見思輟自銀符入躋金掌敬爾攸獄監于
祥刑民自以不寃行課清明之效王言惟作命即
登獻納之班某過沐幸臨更勤委重冷秋菰寒水
玉覺執熱之頓清金錯刀英瓊瑤愧報嘉之不腆
代回李寺正 直柄

拜命楓宸陞華棘正好生如舜方惟刑之恤哉選
衆舉臯則不仁者遠矣恭惟某官持心近厚折獄
惟良自再轉而爲丞益揚淑問宜片言之寤主茂
進崇階某有幸爲寮未皇稱慶猥辱鳴謙之賜聊
申叙復之私

代回劉寺正

刑期無刑丞非余召正率不正帝曰汝諧先庚具
孚同寅良幸某謬忝秋官之貳極深夏賀之私姑
奉手牋別遲面慶

代回李寺丞 直柄

拜命明庭司刑贊府一麾出守所至如破竹然再
轉爲丞此行若登仙矣恭惟某官機神明浚識度

端凝治已治人洞知周孔之情思讀書讀律又欲
堯舜其君民徧儀棘寺之華幾致草廩之鞠郡符
旣合邊瑣多驚甫清遠障之風塵旋奉殊庭之香
火帝念師旅飢饉之後折民惟刑人思賢明慈惠
之師命汝作士肆敷芝檢參貳李官昔張蘊古之
直聲由茲論賞雖狄梁公之相業自此升階欲識
遠圖請觀近比某與聞行獄似是馬曹具嚴天威
望盡心於閱實頗哀老子或袖手以蒙成少遲九
遷當不一賀

代回陳寺丞

振

方欲取違先勤言別出處亦吾輩之先事是非至
他日而後明風雨蕭蕭願雞鳴之不爽雪霜買買
終麥秀以何疑敢因報章并申善禱

代回呂寺丞

祖平

奏最竹符陞華棘寺辟以止辟九重之念在茲丞
不負丞三尺之平必矣恭惟某官象賢濟美燕譽
騰芳伯仲填篳曲突之忠甚切公侯闕閱直鈞之
鈞猶遲茲從漢化之更宜有呂刑之命某辱同寮
竊喜倍等倫自此蒙成不負嘉師之託逃於司敗
亦惟餘潤之依

代回大理沈寺丞釋

父參棘屬進貳李官丞不負丞益懋平反之蹟辟
以止辟助成欽卹之仁某有幸為寮未遑趨慶

代回沈評事

榮持邑最歸領廷評惟丹筆之祥刑實青檀之舊
物頭銜如故步武已高恭惟某官服龍芳馨蜚騰
聲實卓脫囊中之穎詳明柱後之文棘寺參華竹
書惟允屬拘邦典暫試民庸麥熟兩岐雖道途之
交詠桃栽千樹宜車馬之重來某有幸為寮未遑
贊慶遣長鬚而致雙鯉良感先施跂織女而終七

襄更慙匪報

代回大理樓評事澄

舉賢有格當簡乃僚折獄惟良徒得君重公車之
牘晚矣私室之謝何哉恭惟某官地望已高天資
仍茂讀書不讀律懼無術以致君治已後治人寧
以身而試法決科雋甚詳讞瞭然豈無他人恐未
如於一鶚惠而好我何不吝於雙魚某濫貳秋卿
又見春序小狐汔濟亦奚事於聽冰良馬空羣望
自期於追電

代回程監丞準

五雉分工誤恩攝長雙魚尺素取數過情恭惟其
官四海老成累朝耆舊人生待足何時足得住為
佳官職有來還自來不聞亦式應笑戀軒之疲馬
未能返肆於屠羊某自揣頭顱難司喉舌匪朝伊
夕即騰納祿之章為官擇人空忍見賢之渴

代回程監丞

準

出命明庭祝釐間館雋永乎山林之味樂且無央
參寥乎香火之緣老當益壯恭惟某官棲遲盛福
笑傲明時詔珍臺又拜散人之號養神丹鼎應
與造化者游所恐蒲迎不容橘隱某歸已晚矣行
或使之汗漫相期本許以急流之勇退侏儒獨飽
敢久於暮夜而倒行

代回軍器王監簿

渥

對越宸綸勾稽武庫為太守選所表既有交章除
戎器戒不虞實為稱職公議如此私謝何為恭惟
某官故家典刑中州曾出婉贊幕中之畫勇分海
上之符焉能使予不遇哉姑從外補有欲為不留
行者迄得內除時雖旣戢於干戈法合咸精於器
械小煩會計會即騫騰某自嘆望秋未遑賀夏豈
無青精飯此心惟切於謀歸贈我綠綺琴無說可

從而厚報

回朱司令在

渙奉宸綸晉司帝籍用過庭所學之禮習祈年孔
夙之詩有渥新除式光舊德恭惟某官清門偉望
名世故家先正接伊洛之宗源流甚正後學出河
汾之派沾丐居多卒老于行克昌厥後故從綠水
紅蓮之幕入庀紺轅黛耜之司此非不稼而取禾
政欲敷苗而肯播少培飛步即輟華塗某偶此綴
班何勤委贄自憐往日識野鶴於未仙猶喜殘年
見名駒之有種

代回詹大社久中

陞華司社贊治容臺惟是詩書禮樂之儒始明邁
亘簞盞之事用人如此通國欣然恭惟某官奮自
清門徑收名第下帷分教不辭獨冷之蘊當路交
章爭取橫前之寶果從蜀道入典漢祠拜如絲如
綸如綉之言實自今始考以松以栢以栗之義應
有古心某有幸識賢過蒙委贄數旬為客會已見
於榮遷一日不齋猶願安於承教

代回趙太社汝謹

庀司太社贊治奉常舍文字旁午之勞共夙夜惟

寅之命恭惟某官九苞威鳳千里名駒抱朱虛之
忠請鉏呂產笑紅休之陋更媚王音毅然料虎之
頭樂只跋狼之尾忠精既白論諫如丹徑咨禮樂
之英入司籩豆之事雖肅肅何嫌三百日之齋
親親賢賢行有十六相之舉某未遑旅賀先辱臨
存贈綠綺琴愧不辦南金之報植青藜杖滿期校
東壁之書

學官

代回李國錄誠之

知賢不早聊剡需章委贄相先足鳴謙德不知所
報藏去爲榮恭惟某官殖學精深摛文鉅麗早飛
英於學省即中雋於儒科固知几閣之文書難屈
朝廷之翰墨爲數旬客已光文學掌故之聯無幾
何時果見國子先生之入比者公車之牘豈其私
室之恩過辱臨存更勤巽謝某無能報國惟有薦
賢憑豐隆翹飛廉雖寄聲之已晚登閣風歷閭闔
猶刮日以相期

代回曾國正

晉司樂正益重儒官盈几閣之文書久勤作主申
庠序之孝弟茲遂得師恭惟某官賦敵凌雲文成
翻水排空直上合盛之白玉之堂取勢斜飛亦宜
在青藜之館茲以文學之掌故入爲國子之先生
佇德成而教尊必言揚而事舉某過勤投璧愧乏
報瓊化民成俗由學乎儀圖莫助傳道授業解惑
也切幸自強

宮教

賀聶宮教

子述

疇庸軍計分教宮藩王事我獨賢勞恬然終歲仁
人誼不謀利展也自今除目一傳滿口交慶恭惟
某官蓄學有裕挾材不貲人見其五兵之精神孰
窺其一劍之肝膽長沙射鴨袖不足以回旋柳嶺
割雞氣益高而磅礴甫通班筍又宰盤根取美最
以來朝紛交章之至闕諸公之登臺省蓋息吾黥
此士之落江湖真令人瘦爲州別駕去國期年皇
帝曰嘻誰會廩人之出丞相言是莫如國士之追

方當楮幣新舊之交承頗覺中外人情之註阻公
能調益民得懋遷茂丕績於帝庭進嘉謀於王府
會計當而已昔專出納之司誦說云乎哉今乃範
模之職於皇列邸肇建明師高帝子孫固有殊人
之龍種梁王賓客豈徒授簡於兔園必明禮義廉
耻之原使知君臣父子之實庶淮南知憚汲黯而
東海亦敬王尊此外功名時來則爲之耳向來李
問公烏得無情哉某辱知頗深圖報失喜行行驄
馬孰不知尺五之去天戢戢魚頭詎敢乞斗升而
活我

卷終

